

咏物詩選

禽部 獸部  
鱗部 介部  
水族襍部 昆蟲部



逍遙文庫  
文庫 6  
1055  
6





咏物詩選卷第八目錄

禽部

鳳

孔雀

鶴

又

又

獨鶴

病鶴

魏塘俞 琰長仁輯

唐李嶠

唐李郢

唐李嶠

唐鄭谷

唐褚載

唐韋莊

唐項斯



咏物詩選卷第八目錄

一



文庫 6  
1055  
6

鴈

唐鄭谷

新鴈

唐吳融

蚤鴈

明高棟

白鴈

元謝宗可

孤鴈

唐杜甫

又

唐崔塗

鴈字

元謝宗可

又

元闕名

京兆府試出籠鵲

唐濮陽瓘

白海青

元袁易

鷹

明申時行

又

唐高越

雉

唐李嶠

烏

唐李嶠

歸鴉

明高啟

鷓鴣

唐鄭谷

又

唐元晟

子規

唐吳融

又

唐雍陶

鵲

唐徐寅

永初寺撰卷八目錄

二



鸚鵡

唐杜甫

又

明高岱

白鸚鵡

附張劭

畫眉

附張劭

畫眉禽

宋文同

畫眉

明范言

鶯

唐羅鄴

又

唐僧貫休

黃鶯

唐鄭谷

聽宮鶯

唐王維

燕

唐鄭谷

又

唐秦韜王

白燕

明袁凱

又

明瞿佑

睡燕

元謝宗可

新燕

元張弘範

歸燕

唐杜甫

燕雛

唐吳融

百舌

唐杜甫

又

唐王維



春鳩

唐溫憲

白鴿

唐徐寅

雀

唐李嶠

又

宋李觀

花上白頭翁

明王紱

戴勝

唐賈島

啄木

唐朱慶餘

桐花鳥

唐僧可朋

鴛鴦

唐崔珏

又

唐崔珏

又

唐羅鄴

鷗

唐杜甫

白鷗

唐陸龜蒙

池上雙鳬

唐吳融

雙白鷺

唐雍陶

鷺

唐鄭谷

又

唐杜牧

鷗鷯

唐唐彥謙

鷗鷯

唐杜牧

翡翠

唐僧齊己



水鳥

唐 吳融

鷄

唐 徐寅

鬪鷄

明 瞿佑

鷄鳴

唐 汪遵

鷄雛

明 瞿佑

花鴨

唐 杜甫

鷺

唐 李商隱

舟前小鷺兒

唐 杜甫

獸部

麟

唐 李嶠

獅

明 夏言

象

附 吳偉業

虎

元 於汝玉

豹

唐 李嶠

熊

唐 李嶠

紫騮馬

唐 沈佺期

又

唐 秦韜玉

驄馬

唐 萬楚

觀內廐馬

明 曾棨

胡馬

唐 杜甫



病馬

唐杜甫

天馬詞

唐張仲素

橐駝

附吳偉業

牛

唐李嶠

代牛言

唐劉叉

老牛

元宋元

羊

唐李嶠

金絲犬

明瞿佑

題犬

元貢性之

白鹿

明瞿佑

猿

唐杜甫

夜猿

唐馬戴

猿

元宋元

又

唐徐寅

白兔

明瞿佑

黑兔

明曾棨

乞貓

明文徵明

嬾貓

附張劭

貓兒

宋林逋

碩鼠

元鄧文原



銀鼠

附張劭

鱗部

龍

明陳成

雷雨起龍

宋范成大

鯉魚

唐章孝標

黃魚

唐杜甫

金魚

明瞿佑

又

明朱之蕃

比目魚

附吳偉業

白小

唐杜甫

膾殘

附吳偉業

燕窩

附吳偉業

小魚

唐盧綸

介部

龜

唐徐寅

放龜

唐司空圖

賦得解送人之官

明高啓

酬寄海鱉

唐陸龜蒙

蛤蜊

宋孔武仲

水族襍部



海蜇

元謝宗可

海參

附吳偉業

蛙

明張維

蝌蚪

明張維

昆蟲部

蠶

唐蔣貽恭

蟬

唐李商隱

又

金党懷英

又

唐虞世南

又

宋寇準

夜蟬

唐唐彥謙

聞蟬

唐許棠

蜂

明俞允文

又

唐李商隱

又

唐羅隱

又

明郭登

蝴蝶

唐鄭谷

又

唐李建勳

又

唐徐寅

又

宋謝無逸



促織	聞蛩	又	又	又	螢	紅蜻蜓	白蝶	黃蝶	又
唐杜甫	唐白居易	唐羅鄴	唐郭震	梁元帝	唐李嘉祐	明瞿佑	附張劭	明瞿佑	宋謝無逸

蜘蛛	巴蛇	浮塵子	蟆子	蚊	蒼蠅	紡織婆	絡緯	戲題鬪促織	又
唐元稹	唐元稹	唐元稹	唐元稹	明陳成	明朱之蕃	明朱之蕃	明朱之蕃	明張維	明朱之蕃

水勿寺是卷八目錄



蛛網

明瞿佑

壁魚

唐李遠

蝸牛

宋蘇軾

蟻

唐元稹

咏物詩選卷第八目錄終

咏物詩選卷第八

魏塘俞 琰長仁輯

禽部

鳳詩依元本

唐李嶠

棲跡依丹穴。尊為百鳥王。九苞昭聖瑞。五色備文章。屢向秦臺側。頻過洛水陽。鳴岐今日見。阿閣佇來翔。

孔雀

唐李郢

越鳥青春好顏色。晴軒入戶看貼衣。一身金翠畫不得。萬里山川來者稀。絲竹慣聽時獨舞。樓臺初上欲孤飛。刺桐花謝芳華歇。南國同巢應望歸。



鶴

唐李嶠

黃鶴遠聯翩。從鸞下紫煙。翱翔一萬里。來去幾千年。已  
憇青田側。時遊丹禁前。莫言空警露。猶冀一聞天。

又

唐鄭谷

一自王喬放自由。俗人行處懶回頭。睡輕旋覺松花墮。  
舞罷閒聽澗水流。羽翼光明欺積雪。風神灑落占高秋。  
應嫌白鷺無僊骨。長伴漁翁宿葦洲。

又

唐褚載

欲洗霜翎下澗邊。却嫌菱刺污香泉。沙鷗浦鴈應驚訝。  
一舉扶搖直上天。

獨鶴

唐韋莊

夕陽灘上立徘徊。紅蓼風前雪翅開。應爲不知棲宿處。  
幾回飛去又飛來。

病鶴

唐項斯

青雲有意力猶微。豈料低回得所依。幸念翅因風雨困。  
豈教身陷稻粱肥。曾遊碧落寧無侶。見有清池不忍飛。  
縱便他年引僊駕。主人恩在亦應歸。

鴈

唐鄭谷

八月悲風九月霜。蓼花紅澹葦條黃。石頭城下波搖影。  
星子灣西雲間行。驚散漁家吹短笛。失羣征戍鎖殘陽。



故鄉聞爾亦惆悵。何況扁舟非故鄉。

新鴈

唐吳融

湘浦深春始北歸。玉關搖落又南飛。數聲飄去和秋色。  
一字橫來背晚暉。紫閣高飛雲霧裏。灞川低渡雨微微。  
莫從思婦臺邊過。未得征人萬里衣。

蚤鴈

明高棟

涼霜八月塞天寒。飛渡衡陽楚水寬。少婦樓頭初掩瑟。  
一行先向夕陽看。

白鴈

元謝宗可

翅老西風點綴瑕。秋江難認宿蘆花。雲邊字缺銀鉤斷。

月下箏間玉柱斜。影亂飛鷗回遠浦。陣迷宿鷺落平沙。  
聲聲叫起蘇郎恨。為帶吳霜染鵝華。

孤鴈

唐杜甫

孤鴈不飲啄。飛鳴聲念羣。誰憐一片影。相失萬重雲。望  
盡似猶見。哀多如更聞。野鵝無意緒。鳴噪自紛紛。

又

唐崔塗

幾行歸去盡。片影獨何之。暮雨相呼失。寒塘獨下遲。渚  
雲低暗度。關月冷遙隨。未必逢繒繳。孤飛自可疑。

鴈字

元謝宗可

蘆花月底寄秋情。陣影南飛勢不停。一畫寫開湘水碧。

去一作塞  
下獨字  
恐作欲  
字可手



半行草破楚天青。雲牋冷印蟲書迹。煙墨濃摹鳥篆形。題盡子卿心事苦。斷文無數落寒汀。

又

不藉蒙恬筆力嘉。數行書破楚天涯。風前過處真連草。月下歸來整復斜。硯水半泓迷霧雨。錦箋千尺掛雲霞。分明寫出瀟湘景。懊惱聯翩又落沙。

京兆府試出籠鵲

唐 濮陽瓘

玉鏃分花袖。金鈴出彩籠。搖心長捧日。逸翮鎮生風。一點青霄裏。千聲碧落中。星眸隨狡兔。霜爪落飛鴻。每念提攜力。嘗懷搏擊功。以君能惠好。不敢沒遙空。

白海青

元 袁 易

渺渺東溟刷羽翰。乍隨天馬萬人觀。孤飛雪點青雲破。一擊秋生玉宇寬。賜予豈將追鴈鷺。驅除直欲辨臬鸞。江南明月難同色。夢想瑤階白露漙。

鷹

明 申時行

何處蒼鷹掣錦條。霜林颯颯灑寒毛。攫身萬里層霄迥。側翅三秋殺氣高。狡兔還應愁窟穴。鷺鳩那敢決蓬蒿。聖朝祝網開三面。搏擊何須借爾曹。

又

唐 高 越

雪爪星眸世所稀。摩天專待振毛衣。虞人莫謫張羅網。



未肯平原淺草飛

雉

唐李嶠

作聲一  
作多毛

白雉振朝飛。聲來表太平。楚郊疑鳳出。陳寶若鷄鳴。童子懷仁至。中郎作賦成。冀君看飲啄。耿介獨含情。

鳥

日落歸飛急。霜臺夕影寒。聯翩依月樹。迢遞繞風竿。白首何年改。清琴此夜彈。靈臺如可托。千里向長安。

歸鴉

明高啓

啞啞噪夕暉。爭宿不爭飛。未逐冥鴻去。長先野鶴歸。荒村流水遠。古戍淡煙微。借問寒林樹。何枝氣可依。

鷓鴣

唐鄭谷

暖戲煙蕪錦翼齊。品流應得近山鷄。雨昏青草湖邊過。花落黃陵廟裏啼。遊子乍聞征袖溼。佳人纔唱翠眉低。相呼相喚湘江闊。苦竹叢深春日西。

又

唐元晟

背霜南鴈不到處。倚棹北人初聽時。梅雨滿江春草歇。一聲聲喚荔枝枝。

子規

唐吳融

舉國繁華委逝川。羽毛飄蕩一季年。他山叫處花成血。舊苑春來草似煙。雨暗不離濃綠樹。月斜長吊欲明天。



湘江日暮聲悽切。愁殺行人歸去船。

又

唐雍陶

蜀國春城聞蜀鳥。思歸聲引未歸心。卻知夜夜愁相似。爾正啼時我正吟。

鵲

唐徐寅

神化難源瑞即開。雕陵毛羽出塵埃。香閨報喜行人至。碧漢填河織女回。明月解隨烏繞樹。青銅寧愧雀為臺。瓊枝翠葉庭前植。從待翩翩去又來。

鸚鵡

唐杜甫

鸚鵡含愁思。聰明憶別離。翠衿渾短盡。紅嘴謾多知。未

宿舊一作日病

有開籠日。空慚宿舊枝。世人憐復損。何用羽毛奇。

又

明高岱

一入深籠損翠衣。隴雲秦樹事全非。月明萬里歸心切。花落千山舊侶稀。樓傍玉樓春晝永。夢回金鎖曙光微。翩翩海燕羣相趁。簾幙風高得意飛。

白鸚鵡

附張劭

不借禽王彩。貴身雪衣孃。子自精神能。歌紅嘴爭焚素。學舞霓裳傍太真。栖穩玉樓花外雨。夢殘珠樹隴頭春。新來念得觀音號。莫倚聰明又罵人。

畫眉



小鳥平分倒暈名。澹黃杏子刷雙翎。雕籠妬伴因爭嫵。  
粧閣催人欲掃青。嫩柳梢頭憐自立。遠山樓上喚誰聽。  
前身應記張京兆。叫碎花陰月滿庭。

畫省禽

宋文同

盡日閒窗坐好風。一聲初聽下高籠。公庭事簡人皆散。  
如在千巖萬壑中。

畫省

明范言

寶髻蓬鬆錦帳垂。曉晴慵起鬪花枝。濃粧未必能承寵。  
何事幽禽喚畫省。

鶯

唐羅鄴

暖辭雲谷背殘陽。飛下東風翅漸長。却笑金籠是羈絆。  
豈知瑤草正芬芳。曉逢溪雨投紅樹。晚轉宮樓泣舊粧。  
何處離人不堪聽。灞橋斜日裏垂楊。

又

唐僧貫休

何處經年絕好音。暖風催出轉喬林。羽毛新刷陶潛菊。  
喉舌初調叔夜琴。藏雨並棲紅杏密。避人雙入綠楊深。  
曉來枝上千般語。應共桃花說舊心。

黃鶯

唐鄭谷

春雲薄薄日輝輝。宮樹煙深隔水飛。應爲能歌繫仙籍。  
麻姑乞與女真衣。



聽宮鶯

唐王維

春樹遶宮牆。春鶯囀曙光。忽驚啼暫斷。移處弄還長。隱  
葉棲承露。攀花出未央。遊人未應返。爲此思故鄉。

燕

唐鄭谷

季去年來來去忙。春寒煙暝渡瀟湘。低飛綠岸和梅雨。  
亂入紅樓揀杏梁。閒几硯中窺水淺。落花徑裏得泥香。  
千言萬語無人會。又逐流鶯過短牆。

又

唐秦韜玉

不知大廈許棲無。頻已銜泥到座隅。曾與佳人並頭語。  
幾回拋却繡功夫。

白燕

明袁凱

故國飄零事已非。舊時王謝見應稀。月明湘水初無影。  
雪滿梁園尚未歸。柳絮池塘香入夢。梨花庭院冷侵衣。  
趙家姊妹多相妬。莫向昭陽殿裏飛。

又

明瞿佑

脫却烏衣絕點埃。銀屏玳瑁舊生涯。玉京老去粧初改。  
王謝歸來鬢已華。避雨有時沾柳絮。夢雲何處認梨花。  
飛瓊不向瑤臺去。却入尋常百姓家。

睡燕

元謝宗可

補巢銜罷落花泥。困頓東風倦翼低。金屋晝長隨蝶化。



雕梁春靜怕鶯啼。鳬飛漢殿人應老。夢入烏衣路轉迷。  
却怪卷簾人喚醒。小橋深巷夕陽西。

新燕

元張弘範

海棠開後月黃昏。王謝樓臺寂寂春。柳外東風花外雨。  
香泥高壘畫堂新。

歸燕

唐杜甫

不為避霜雪。其如儔侶稀。四時無失序。八月自知歸。  
春色豈相訪。衆雛還識機。故巢倘未毀。會傍主人飛。

燕雛

唐吳融

掠水身猶重。隈風力尚微。瓦苔難定立。簷雨忽喧歸。  
未

識重溟遠。先愁一葉飛。銜泥在他日。兩兩占春暉。

百舌

唐杜甫

百舌來何處。重重祇報春。知音兼衆語。整翮豈多身。  
花密藏難見。枝高聽轉新。過時如發口。君側有讒言。

又

唐王維

上蘭門外草萋萋。未央宮中花裏棲。亦有相隨過御苑。  
不知若個向金堤。入春解作千般語。拂曙能先百鳥啼。  
萬戶千門應覺曉。建章何必聽鳴鷄。

春鳩

唐溫憲

村南微雨新。平綠淨無塵。散睡桑條煖。閒鳴屋脊春。  
遠



江作  
空

聞和曉夢相應在諸鄰行樂花時節追飛見亦頻

白鴿

唐徐寅

舉翼凌空碧。依人到大邦。粉翎棲畫閣。雪影拂瓊窗。振  
鷺堪爲侶。鳴鳩好作雙。狎鷗歸未得。覩爾憶晴江。

雀

唐李嶠

大廈初成日。嘉賓集杏梁。銜書表周瑞。入幕應王祥。暮  
宿江城裏。朝遊漣水傍。願齊鴻鵠志。希逐鳳凰翔。

又

宋李觀

繡戶珠簾見氣頻。暖來寒去但安身。翟公門下時飛入。  
全勝交情斗頓人。

花上白頭翁

和名在利

明王紱

欲訴芳心未肯休。不知春色去難留。東君亦是無情物。  
莫向花間怨白頭。

戴勝

和名也津知志良

唐賈島

星點花冠道士衣。紫陽宮女化身飛。能傳上界春消息。  
若到蓬山莫放歸。

啄木

和名計良津

唐朱慶餘

丁丁向晚急還稀。啄偏庭槐未肯歸。終日與君除蠹害。  
莫嗔無事不平飛。

桐花鳥

和名在寧土里

唐僧可朋

平作  
頻



五色毛衣比鳳雛。深花叢裏祇如無。美人買得偏憐惜。移向金釵重幾銖。

鴛鴦

唐崔珣

翠鬣紅毛舞夕暉。水禽情似此禽稀。暫分烟島猶回首。只渡寒塘亦共飛。映霧盡迷珠殿瓦。逐梭齊上玉人機。採蓮無數蘭橈女。笑指中流羨爾歸。

又

寂寂春塘煙晚時。兩心如影共依依。溪頭日煖眠沙穩。渡口風寒浴浪稀。翡翠莫誇饒彩飾。鸛鶒須羨好毛衣。蘭深芷密無人見。相逐相呼何處歸。

又

唐羅鄴

紅閒碧靜霽煙開。錦翅雙飛去又回。一種相連名字好。盡緣人恨別離來。

鷗

唐杜甫

江浦寒鷗戲。無他亦自饒。却思翻玉羽。隨意點青苗。雪暗還須落。風生一任飄。幾羣滄海上。清影日蕭蕭。

白鷗

唐陸龜蒙

慣向溪頭漾淺沙。薄煙微雨足生涯。時時失伴沈山影。往往爭飛襍浪花。晚樹清涼還鷓鴣。舊巢零落寄蒹葭。池塘信美應難戀。針在魚脣劍在蝦。



池上雙鳬

唐 吳融

雙鳬狎得傍池臺。戲藻銜蒲遠又回。敢爲稻梁凌險去。幸無鷹隼觸波來。萬絲春雨眠時亂。一片濃萍浴處開。不在籠欄夜仍好。月汀星沼賸徘徊。

雙白鷺

唐 雍陶

雙鷺應憐水滿池。風飄不動頂絲垂。立當青草人先見。行傍白蓮魚未知。一足獨拳寒雨裏。數聲相叫蚤秋時。林塘得爾須增價。況與詩家物色宜。

鷺

唐 鄭谷

閒立春塘煙淡淡。靜眠寒葦雨颼颼。漁翁歸後沙汀晚。

飛下灘頭更自由。

又

唐 杜牧

雪衣雪髮青玉臂。羣捕魚兒溪影中。驚飛遠映碧山去。一樹梨花落晚風。

鷗鷺 和名尾志堂

唐 唐彥謙

一宿南塘烟雨時。好風搖動綠波微。驚離曉岸衝花去。暖下春汀照影飛。華屋撚絃彈歌舞。綺窗含筆淡毛衣。畫屏見後長回首。爭得雕籠莫放歸。

鷓鴣 和名波年

唐 杜牧

芝莖抽紺趾。清唳擲金梭。日翅閒張錦。風池去習羅。靜



眠依翠荇暖戲折高荷山陰豈無爾爾字換羣鷺

翡翠

唐僧齊已

水邊飛去青難辨竹裏歸來色一般磨吻鷹鷂莫相害  
白鷗鴻鴈滿沙灘

水鳥

唐吳融

煙爲行止水爲家兩兩三三睡暖沙爲謝離鷺兼別鵲  
如何禁得向天涯

鷄

唐徐寅

名參十二屬花入羽毛深守信催朝日能鳴送曉陰  
冠裝瑞璧利爪削黃金徒有稻粱感何由報德音

鬪鷄

明瞿佑

五德名稱不自持怒憑爪觜決雄雌三郎好勝真英主  
亞子爭彊豈小兒兩陣猛如劉項敵一場喜入孟韓詩  
紅羅纏項收功後贏得旁觀舉酒卮

鷄鳴

唐汪遵

金距花冠傷舍棲清晨相叫一聲齊開關自有馮生計  
不必天明待汝啼

鷄雛

明瞿佑

殼分混沌見精神鳳侶鸞儔暫化身傷母浴沙花徑午  
隨羣啄粟草堂春饒貓屋後垂涎久飢鷄天邊側目頻



羽翼漸成文采備不陪談論亦司晨

花鴨

唐杜甫

花鴨無泥滓。堦前每緩行。羽毛知獨立。黑白太分明。不覺羣心妬。休牽衆眼驚。稻梁沾汝在。作意莫先鳴。

鷺

唐李商隱

眠沙臥水自成羣。曲岸殘陽極浦雲。那解將心憐孔雀。羈雌長共故雄分。

舟前小鷺兒

唐杜甫

鷺兒黃似酒。對酒愛新鷺。引頸嗔船逼。無行亂眼多。翅開遭宿雨。力小困滄波。客散層城暮。狐狸奈若何。

獸部

麟

唐李嶠

漢祀應祥開。魯郊西狩迴。奇音中鐘呂。成角喻英才。畫像臨僊閣。藏書入帝臺。若驚能吐哺。爲覩鳳凰來。

獅

明夏言

金眸玉爪目懸星。羣獸聞知盡駭驚。怒懾熊羆威凜凜。雄驅虎豹氣英英。曾聞西國嘗馴養。今出中華應太平。却羨文殊能服爾。穩騎駕馭下天京。

象

附吳偉業

神象何年至。傳聞自戰場。齒能齊玉德。性不受金羈。白



足跡跌坐黃門拜舞行。越人歸駕馭未許鼻亭狂。

虎

元於汝玉

班寅贏得號將軍。月黑深山星目分。長嘯一聲風括地。雄跳三勒獸奔羣。不堪羊質披文炳。無奈狐行假燄熏。摯毒由來人共懼。豈知更有猛於君。

豹

唐李嶠

車法肇宗周。彪文闡大猷。還將君子變。來蘊太公籌。委質超羊鞬。飛名列虎侯。若令逢雨露。長隱南山幽。

熊

導洛宜陽右。乘春別館前。昭儀忠漢日。太傅翊周年。列

射三侯滿。興師七步旋。莫言舒紫褥。猶異飲清泉。

紫騮馬

唐沈佺期

青玉紫騮鞍。驕多影屢盤。荷君能翦拂。蹀躞噴桑乾。踠足追奔易。長鳴遇賞難。縱金一萬里。霜露不辭寒。

又

唐秦韜玉

渥洼奇骨本難求。況是豪家重紫騮。臆大宜懸銀壓膝。力渾欺著玉銜頭。生獰弄影風隨步。躩蹀衝塵汗滿溝。若遇丈夫能控馭。任從騎取覓封侯。

驄馬

唐萬楚

金絡青驄白玉鞍。長鞭紫陌野遊盤。朝驅東道塵恒滅。



暮到河源日未闌。汗血每隨邊地苦。蹄傷不憚隴陰寒。君能一飲長城窟。為報天山行路難。

觀內廐馬

明曾棨

繡勒雕鞍七寶裝。天閑十二見飛黃。行驂鸞輅隨仙仗。嘶過龍樓識御香。玉轡按時經細柳。錦條控處獵長楊。虎文鳳臆真無匹。浪說周家八駿良。

胡馬

唐杜甫

胡馬大宛名。鋒稜瘦骨成。竹批雙耳峻。風入四蹄輕。所向無空闊。真堪托死生。驍騰有如此。萬里可橫行。

病馬

乘爾亦已久。天寒關塞深。塵中老盡力。歲晚病傷心。毛骨豈殊衆。馴良猶至今。物微意不淺。感動一沈吟。

天馬詞

唐張仲素

蹀躞宛駒齒未齊。縱金噴玉向風嘶。來時欲盡金河道。獵獵輕風在碧蹄。

橐駝

附吳偉業

獨任三軍苦。安西萬里行。鑄銅疑鶴頸。和角廢驢鳴。山負祁連重。泉知鄯善清。可憐終後載。汗血擅功名。

牛

唐李嶠

齊歌初入相。燕陣蚤橫功。欲向桃林下。先過梓樹中。在



吳頻喘月奔夢屢驚風不用五丁士如何九折通

代牛言

唐劉叉

渴飲潁川水飢喘吳門月黃金如可種我力終不歇

老牛

元宋无

草繩穿鼻繫柴扉殘喘無人問是非春雨一犁鞭不動  
夕陽空送牧兒歸

羊

唐李嶠

絕飲懲澆俗行驅夢逸材仙人擁石去童子馭車來夜  
玉含星動晨氈映雪開莫言鴻漸力長牧上林隈

金絲犬

和名須以計年

明瞿佑

銜字  
恐銜字

擺尾搖頭慶所遭愛同獅子銜金毛花前喜共狸奴戲  
月下難隨狗黨鳴易卦已曾稱小畜書篇底用詫靈熬  
主翁要使防門戶免逐韓盧較獵勞

題犬

元貢性之

深宮飽食恣猙獰臥毯眠氈慣不驚却被捲簾人放出  
宜男花下吠新晴

白鹿

明瞿佑

角端字刻表銅牌知向宜春勝地來仙子倒騎歸闥苑  
聖君馴養在靈臺長生自得千年壽間色誰將二女猜  
待看呦呦食苹後吹笙鼓瑟慶筵開



猿

唐 杜甫

裊裊啼虛壁。蕭蕭挂冷枝。艱難人不免。隱見爾如知。慣習元從衆。全生或用奇。前林騰每及。父子莫相離。

夜猿

唐 馬戴

日飲巴江水。還啼巴岸邊。秋聲巫峽斷。夜影楚雲連。露滴青楓樹。山空明月天。誰知泊船者。聽此不能眠。

猿

元 宋 无

巴峽聞聲愁斷腸。冷泉照影綠陰涼。藤搖亂雨領兒過。樹曬斜陽拾蟲忙。獻果去尋幽洞遠。攀蘿來撼落花香。空山月暗無人見。啼入白雲深處藏。

又

唐 徐寅

宿有喬林飲有溪。生來踪跡遠塵泥。不知心更愁何事。每向深山夜夜啼。

白兔

明 瞿佑

白玉狡狴脫鼻羈。遠隨重譯到皇畿。僊山昔慣餐霞草。月殿今看舞羽衣。塵褐已將狐換腋。霜毫欲與雪爭輝。蒼鷹黃犬休回顧。拔宅西來得所依。

黑兔

明 曾棨

傳聞三穴久儲精。日啖玄霜異質成。八竅總含蒼露溼。一身斜睨黑雲輕。行來青瑣應難覓。立向瑤臺却盡驚。



自是太平多瑞物。願隨毛穎咏千城。

乞猫

明文徵明

珍重從君乞小狸。女郎先已辦氍毹。自緣夜榻思高枕。端要山齋護舊書。遣聘自將鹽裹箸。策勳莫道食無魚。花陰滿地春堪戲。正是蠶眠二月餘。

懶猫

附張劭

養空勤費夜。呼性慵奈像主人。何鬚燃爨穴。防寒早。目送跳梁戒殺多。食少魚腥春悶悶。眠殘花影雪皤皤。長卿四壁雖如水。誰管偷詩物似梭。

猫兒

宋林逋

纖鉤時得小谿魚。飽臥花陰興有餘。自是鼠嫌貧不到。莫慚尸素在吾廬。

碩鼠

元鄧文原

禾黍連雲待歲功。爾曹竊食素餐同。平生貪黠終何用。看取人間五技窮。

銀鼠

附張劭

杏山穴產耀靈鼯。獵網追風捕幾何。竄地捷于逃月兔。跳空亮比擲星梭。松林溜粉宵還避。雪窖爭輝冷却過。總為微名誇世寶。新來冠服借伊多。



陽物言遲者八

其

鱗部

龍

明陳成

變化非常物。含生類不羣。天淵無定在。大小忽相分。萬  
甲盡藏兩。渾身通繞雲。蒼生方待澤。莫只睡無聞。

雷雨起龍

宋范成大

雨工避事欲蟠泥。帝遣豐隆執以歸。連鼓一聲人失箸。不知破壁幾梭飛。

鯉魚

唐章孝標

眼似真珠鱗似金。時時動浪出還沉。浪中得上龍門去。  
不歎江河歲月深。



黃魚

和名象不加

唐杜甫

日見巴東峽黃魚出浪新。脂膏兼飼犬。長大不容身。筒桶相沿久。風雷肯爲神。泥沙卷涎沫。回首怪龍鱗。

金魚

明瞿佑

逐隊隨羣樂自如。桃花浪暖變形軀。散如萬點流星迸。聚似三春濯錦舒。玉帶高懸知陛見。紫囊同賜憶朝除。池中有此稱三寶。須備神龍攫火珠。

又

明朱之蕃

誰染銀鱗琥珀濃。光搖鬚鬣映芙蓉。清池躍處桃生浪。綠藻分開金在鎔。丙穴靈源隨地湧。離宮正色白天鍾。

羣魚漫爾同游泳。竚見飛空化赤龍。

比目魚

和名如乳以

附吳偉業

比目誠何恨。滄波作伴遊。幸逃網罟厄。可免別離愁。小市時珍改。殘書土物收。若逢封禪詔。定向海邊求。

白小

和名如乳以

唐杜甫

白小羣分命。天然二寸魚。細微露水族。風俗當園蔬。入肆銀花亂。傾箱雪片虛。生成猶捨卵。盡取義何如。

贈殘

四上

附吳偉業

棄擲誠何細。夫差信老饕。微茫經七箸。變化入波濤。風俗銀盤薦。江河玉饌高。六千殘卒在。脫網總秋毫。



燕窩

海燕無家苦。爭啣白小魚。却供人採食。未卜汝安居。味入金壺美。巢營玉壘虛。大官求遠物。早獻上林書。

小魚

唐盧綸

蓮花影裏暫相離。纔出浮萍值罟師。上得龍門還失浪。九江何處是歸期。

水族禱部

海蟄 和名人良計

元謝宗可

層濤擁沫綴蝦行。水母含秋孕地靈。海氣凍凝紅玉脆。天風寒結紫雲腥。霞衣褪色冰涎滑。瑤縷烹香酒力醒。應是楚江萍實老。誤隨潮信落滄溟。

海參 和名奈古

附吳偉業

預使燂湯洗。遲纔入鼎鑪。禁猶寬北海。饌可佐南烹。莫辨蟲魚族。休疑草木名。但將滋味補。勿藥養餘生。

蛙

明張維

熟梅天氣雨初收。何處蛙聲隔水樓。鼓吹翻嫌驚好夢。



言部  
雜部  
公私誰爲亂。閒愁薰風候。已違花信。碧草涼。應動麥秋。赤鯉聞雷爭變化。爾能燒尾躍雲否。

蝌蚪

亂點斑斑撒豆紋。縱橫聚散自成羣。桃花浪裏翻香墨。柳絮池邊漲黑雲。孔壁遺書端足擬。秦宮劫火豈能焚。到頭借得風雷便。脫略凡胎鬧夕曛。

介部

龜

居徐寅

行止竟何從。深溪與古峰。青荷巢瑞質。綠水返靈踪。鑽骨神明應。酬恩感激重。僊翁求一卦。何日脫龍鐘。

放龜

唐司空圖

世外猶迷不死庭。人間莫自恃無營。本期滄海堪投迹。却向朱門待放生。

賦得鱗送人之官

明高啓

吐沫似珠流。無腸豈識愁。香宜橙實晚。肥過稻花秋。出鱗來深浦。隨燈聚遠洲。郡齋初退食。可怕有監州。



酬寄海蟬

唐陸龜蒙

藥杯應阻蟬。香却乞江邊。採捕郎自是。楊雄知郭索。  
且非何能敢。餒。骨清猶似含春靄。沫白還疑帶海霜。  
強作南朝風雅客。夜來偷醉蚤梅傍。

蛤蜊

宋孔武仲

去年曾賦蛤蜊篇。旅館霜高月正圓。舊舍朋從今好在。  
新時節物故依然。棲身未厭泥沙穩。爽口還充鼎俎鮮。  
適意四方無不可。若思鱸膾未應賢。

昆蟲部

蠶

唐蔣貽恭

辛勤得繭不盈筐。燈下繰絲恨更長。著處不知來處苦。  
但貪衣上繡鴛鴦。

蟬

唐李商隱

本以高難飽。徒勞恨費聲。五更疎欲斷。一樹碧無情。  
薄宦梗猶泛。故園蕪已平。煩君最相警。我亦舉家清。

又

金党懷英

鴉壤陰潛罷轉丸。飄飄便作飲中僊。幽叢何處拳枯蛻。  
別樹還來續斷絃。小院日長春夢覺。空庭人靜綠陰圓。



無情物化誰能料。觸撥羈懷一慨然。

又

唐 虞世南

垂綉飲清露。流響出疎桐。居高聲自遠。非是藉秋風。

又

宋 寇準

寂寂宮槐雨乍晴。高枝微帶夕陽明。臨風忽起悲秋思。獨聽新蟬第一聲。

夜蟬

唐 唐彥謙

翠竹高梧夾後溪。勁風危露雨淒淒。那知北牖殘燈暗。又送西樓片月低。清夜更長應未已。遠煙尋斷莫頻嘶。羈人此夕如三歲。不整寒衾待曙雞。

聞蟬

唐 許棠

造化生微物。常能應候鳴。初離何處樹。又發去年聲。騷屑隨風遠。悠揚類葉輕。報秋涼漸至。嘶月思偏清。互默疑相答。微搖似欲行。繁音人已厭。朽殼蟻猶爭。朝士嚴冠飾。宮娥逞鬢名。亂依西日噪。多引北歸情。篠露疑潛吸。蛛絲忽迸縈。此時嗟聽久。不覺萬愁生。

蜂

明 俞允文

春晴逢穀雨。泛濫繞林篁。逐醉縈輕袂。纏花獵異香。叢棲懸玉宇。疊構隱金房。靈化知何術。神功寄藥王。

又

唐 李商隱



沙苑華池爛熳叢。後門前檻思無窮。宓妃腰細纔勝露。  
趙后身輕欲倚風。紅壁寂寥崖蜜盡。碧簾迢遞霧巢通。  
青陵粉蝶休離恨。長定相逢二月中。

又

唐羅隱

不論平地與山尖。無限風光盡被占。採得百花成蜜後。  
不知辛苦為誰甜。

又

明郭登

蘼蘼華華競採花。蜜房收課作生涯。知他有甚經綸處。  
也向潮時報兩衙。

蝴蝶

唐鄭谷

尋艷復尋香。似閒還似忙。暖烟沉蕙徑。微雨宿花房。書  
幌輕隨夢。歌樓誤採粧。王孫深屬意。繡入舞衣裳。

又

唐李建勳

粉蝶翩翩若有期。南園長是到春歸。閒依柳絮參差起。  
困倚桃花獨自飛。潛被燕驚還散亂。偶因人逐入簾幃。  
晚來欲雨東風急。回看池塘影漸稀。

又

唐徐寅

拂綠穿紅麗日長。一生心事住春光。最嫌神女來行雨。  
愛伴西施去採香。風定只應攢蕊粉。夜寒長是宿花房。  
鳴蟬宿分殊為闊。空解三秋噪夕陽。



又

宋謝無逸

粉翅雙翻大有情。海棠庭院往來輕。當時只羨滕王巧。一段風流畫不成。

又

桃紅李白一番新。對舞花前亦可人。纔過東來又西去。片時遊遍滿園春。

黃蝶

明瞿佑

誤入蜂房不待媒。巧傳顏色換凡胎。遶籬野菜流連住。何處金錢變化來。傅粉已知前事錯。偷香未信此心灰。上林鶯過頻回首。一色毛衣莫用猜。

白蝶

附張劭

麴塵何處不參差。羨爾輕衫未化緇。雪已盡時還舞草。梅纔開後忽粘枝。閒窗春暗來先見。午枕風清去不知。底事野花名濫竊。寄人籬下画燕脂。

紅蜻蜓

明瞿佑

蝶粉蜂黃氣正驕。愛渠款款集蘭苕。翅攢霜葉飛難定。目聚燈花焰未消。偷咀僊霞傳秘訣。戲塗腥血點纖腰。寫生好倩昆陵筆。濃蘸臙脂上軟綃。

螢

唐李嘉祐

映水光難定。凌虛體自輕。夜風吹不滅。秋露洗還明。向



燭仍藏焰投書更有情。猶將流亂影來此。傷簷楹。

又

梁元帝

著人疑不熱。集草訝無烟。到來燈下暗。翻往雨中然。

又

唐郭震

秋風凜凜月依依。飛過高梧影裏時。處暗若教同衆類。世間爭得有人知。

又

唐羅鄴

水殿清風玉戶開。飛光千點去還來。無風無月長門夜。偏到堦前點綠苔。

聞蛩

唐白居易

聞蛩唧唧夜綿綿。況是秋陰欲雨天。猶恐愁人暫得睡。聲聲移近臥牀前。

促織

唐杜甫

促織甚微細。哀音何動人。草根啞不穩。牀下夜相親。久客得無淚。故妻難及晨。悲絲與急管。感激異天真。

又

明朱之蕃

閒階聲徹瑣窗中。暗送梧桐落葉風。高韻不緣矜戰勝。微啞端欲助機工。雨餘切切昏鐘動。燈下叨叨午漏通。催得匹成輸稅蚤。貽人安枕不言功。

戲題鬪促織

明張維



自離草莽得登堂。賢主思優念不忘。飽食甕城常養銳。  
怒臨沙塹敢摧強。敵聲夜振鬚仍奮。壯氣秋高齒漸長。  
眼底孽餘平翦後。功成誰復論青黃。

絡緯

明朱之蕃

誰遣線車徹夜鳴。頻催雲錦織當成。送來枕上縈詩思。  
聽向牀頭繫旅情。露濯籬英增絢爛。風傳鄰杵和淒清。  
冰蠶甕繭知難覓。何似秋蟲巧弄聲。

紡織婆

漚麻曝絮歲功成。蟲語潛催布縷征。籬落聲宏眠詎穩。  
草蟲音切聽偏傾。連綿欲伴孤燈炯。淒惻還偕細雨鳴。

幾度停車增悵結。悠悠不斷似離情。

蒼蠅

生從汗穢忽雄飛。鼓翅搖唇覓已肥。賸酒殘羹沾醉飽。  
青絲白壁妬光輝。營營引類來同惡。戀戀依人不暫違。  
驅斥雖嚴還易集。持將麈尾莫停揮。

蚊

明陳成

白鳥向炎時。營營應苦饑。進身因暮夜。得志入簾帷。  
噓吸吾方困。飛颺汝自嬉。西風一朝至。蕭索竟安之。

蠨子

唐元稹

蠨子微於蚋。朝繁夜則無。毫端生羽翼。針喙嚼肥膚。暗



毒應難免。羸形日漸枯。將身遠相就。不敢恨非辜。

浮塵子

可嘆浮塵子。纖埃喻此微。寧論隔紗幌。併解透綿衣。有毒能成瘡。無聲不見飛。病來雙眼暗。何計辨雰霏。

巴蛇

巴蛇千種毒。其氣鼻寒蛇。掉舌翻紅焰。盤身蹙白花。噴人豎毛髮。飲浪沸泥沙。欲學叔敖瘞。其如多似麻。

蜘蛛

蜘蛛天下足。巴蜀就中多。縫隙容長跼。虛空織橫羅。縈纏傷竹栢。嚙噬及蟲蛾。為送佳人喜。珠櫳無奈何。

蛛網

明瞿佑

來往巡檐不殫飭。經營何異緝吾廬。曉風倒挂蜻蜓尾。暮雨雙粘蛺蝶鬚。屋角儘教長掩護。杖頭不用苦驅除。夜來露重春烟暝。綴得瑩瑩萬顆珠。

壁魚

唐李遠

鱗細粉光鮮。開書亂眼前。透窗疑漏網。落硯似流泉。潛穴河圖內。吞鉤乙字邊。莫言髣髴小。食盡白蘋篇。

蝸牛

宋蘇軾

腥涎不滿殼。聊足以自濡。升高不知回。竟作粘壁枯。

蟻

唐元稹



時術功雖細年深禍亦成。攻穿漏江海。嚼食困蛟鯨。敢  
憚榱櫨蠹。深藏柱石傾。寄言持重者。微物莫全輕。

咏物詩選卷第八終

右詠物詩選八卷。乃余師長仁先生所輯。以爲家塾  
課本者也。先生嘗言詩之有詠物。猶時藝之有小題。  
作詩者以詠物爲先。猶作時藝者以小題爲始。故錄  
成一帙。以示又彭兄弟。其詩共一千四百有四首。卷  
帙無多。而物類已備。誠詩學之津梁也。又彭不敢自  
私。謹梓行世。以公同好。世有從事於詩者乎。請先詠  
物。世有從事於詠物者乎。請先是編。乙巳午日嘉善  
沈又彭識。



早稲田大学図書館

011688992780